

### Coltasan agus eadar-dhealachaidhean.

Tha mòran choltasan agus eadar-dhealachaidhean am measg a h-uile càil a tha beò ann an nàdar. Tha cuirp nan eòin air an còmhachadh le itean agus tha seo gan dèanamh eadar-dhealaichte bho mhamalan agus iasg. Ach, tha ceudan de dhiofar dhathan itean ann, agus tha cumaidhean eadar-dhealaichte air na h-itean airson diofar adhbharan. Feuch an dèan thu coimeas an còmhnaidh air sampail ùra a gheibh thu le sampail is aithne dhut mu thràth.

### Pàtranan ann an nàdar.

Gheibhear cuid de na pàtranan a tha rin lorg ann an nàdar ann an iomadh suidheachadh. Tha na cumaidhean sia-shliosach a tha poll fliuch a' dèanamh nuair a thiormaicheas e coltach ri cumaidhean bleideagan sneachda no cìr-meala, no eadhan làbha bholcàno mar a tha e a' fuarachadh. Tha eadar-fhigheachd cuid de raineach coltach ri itean. Dè na pàtranan eile a dh'aithnicheas tu ann an nadar?

### Eadar-oibre agus eadar-cheangal.

Tha e cudromach a thuigsinn gu bheil a h-uile càil ann an nàdar air a cheangal a-steach ri rudeigin eile. Ged nach saoileadh tu an tòiseach, ma chuireas tu às do, no, ma bheireas tu air falbh aon lus no aon bheathach gum bitheadh buaidh aig an-sin air lusan agus beathaichean eile. Tha na cearcaill bìdhe air na choimhead sinn nan eisimpleir math den seo. Tha measgachadh de lusan 's de bheathaichean aig a bheil ceangal ri chèile anns gach àrainn. Innis mu feadhainn de na ceangail sin anns an sgìre agad fhèin.

### Leantaileachd agus atharrachadh.

Ged a tha an saoghal gu daonnan ag atharrachadh chì sinn pàtranan atharrachaidh a tha glè thrì coltach ri chèile. Tha beathaichean òga a' fàs aosda agus a' bàsachadh ach tha feadhainn òga aca a tha coltach rim pàrantan nan coltas 's nan dòighean. Tha aibhneachan daonnan a' ruith leis an leathad chun na mara, ach thar cheudan bhliadhnachan atharraichidh iad an slighe gu tric. Thoir aon eisimpleir de atharrachadh ann an nàdar agus aon eisimpleir de leantaileachd fad-ùineach.

Air fhoillseachadh ann an Alba ann an 1991 le Acair Earranta,  
7 Sràid Sheumais, Steòrnabhagh, Leòdhas.

Na còirichean uile glèidhte. Chan fhaodar pàirt sam bith  
den aonad seo ath-riochdachadh an cruth sam bith,  
no an dòigh sam bith, gun chead ro-làimh bho Acair.

© 1991 Acair Earranta.  
Fiosrachadh Frank Rennie agus John Love.  
Dealbhan pinn Owen Butler, Dòmhnall MacFhearghais, John Love.  
Dealbhan camara Laurie Caimbeul, David Gowans, John Love,  
Sam Maynard, Anna NicDhòmhnaill, Frank Rennie.

Deilbhte agus deanta le Acair Earranta.  
Clò-bhuailte le Watson & Philip, Dùn Dèagh.

ISBN 0 86152 844 1

Pasgan-Leabhraichean PRG

Tha an aonad sa air fhoillseachadh mar phàirt  
de phasgan ann an sreath air cuspairean sònraichte.

Tha stuth fiosrachaidh agus leabhraichean le sgeulachd mun  
chuspair anns gach pasgan.

Tha notaichean cuideachaidh dhan luchd-teagaisg a' toirt  
seòladh air dòighean oibrich, a' dol leis gach pasgan.

Chaidh an t-sreath a dhealbhadh fo stiùireadh  
a' bhuidheann eadar-roinnean,  
Buidhean-Stiùiridh Bun Sgoiltean, a chaidh a chur suas  
le Tabhartasan Sònraichte gu Gàidhlig.